



## Pretrasi u Tuzli, Teočaku i Zvorniku



Pretrasi obavljani na zahtjev Francuske

# Traženi oružje i vojna oprema

## Oduzeti predmeti će biti dostavljeni Sudu i Tužilaštvu BiH • Saslušanje svjedoka

Policijski službenici Državne agencije za istrage i zaštitu (SIPA) jučer su pretresli objekte na tri lokacije na području Tuzle, Teočaka i Zvornika, s ciljem pronalazjenja i privremenog oduzimanja predmeta koji se mogu dovesti u vezu sa počinjenjem krivičnog djela neovlašteni promet oružjem i vojnom opremom te proizvodima dvojne upotrebe.

Kako je navedeno u SIPA, pretresi su obavljani po naredbi Suda BiH i Tužilaštva BiH po zahtjevu nadležnih organa Francuske za pružanje međunarod-

ne pravne pomoći u predmetu koji se odnosi na krijumčarenje oružja iz BiH u Francusku. Aktivnosti su realizirane u saradnji sa policijskim službenicima MUP-a Republike Srpske i MUP-a Tuzlanskog kantona.

Tokom pretresa pronađena je i privremeno oduzeta dokumentacija. Iz SIPA je saopćeno da su četiri osobe privedene kako bi se saslušale u svojstvu svjedoka. Pronađeni predmeti će biti dostavljeni Tužilaštvu i Sudu BiH, navode u Agenciji za istrage i zaštitu BiH.